

唐詩紀

百三十九之四十四

和書門			
三	一	三	三
〇	二	六	九
冊	架	函	號

內閣文庫			
三	三	漢	
九	七	書	
函	三		
一	〇		
五	九		
架	冊	號	類

內閣文庫			
番號	漢	3739	
冊數	30 (26)		
函號	319	117	

二十六



淺草文庫

盛唐第七十九

唐詩紀一百三十九

鄣郡吳瑄彙編

東吳陸文組同校

杜甫

十一

七言古詩三


飲中八僊歌

李白傳云李白自知不為親近所容益醵故
不修與賀知章李之之汝陽王璣崔宗之蘇
晉張旭焦遂
為酒中八僊

知章騎馬似乘船眼花落井水底眠汝陽三斗始

詩已

盛唐詩卷之二十九



言糸
朝天道逢麴車口流涎恨不移封向酒泉左相日
興費萬錢飲如長鯨吸百川銜杯樂聖稱避舊作世
賢宗之瀟灑美少年舉觥白眼望青天皎如玉樹
臨風前蘇晉長齋繡佛前醉中往往愛逃禪李白
一斗詩百篇長安市上酒家眠天子呼來不上船
自稱臣是酒中仙張旭三杯草聖傳脫帽露頂王
公前揮毫落紙如雲煙焦遂五斗方卓然高談雄
辯驚四筵

徐卿二子歌

君不見徐卿二子生絕竒感應吉夢相追隨孔子
釋氏親抱送並是天上麒麟兒大兒九齡色清澈
秋水爲神玉爲骨小兒五歲氣食牛滿堂賓客皆
回頭吾知徐公百不憂積善衮衮生公侯丈夫生
兒有如此二雛者名位豈肯卑微休

魏將軍歌

將軍昔著從事衫鐵馬馳突重兩銜被堅執銳畧
西極崑崙月窟東蘄巖君門羽林萬猛士惡若哮
虎子所監五年起家列霜戟一日過海收風帆平

生流輩徒蠢蠢長安少年氣欲盡魏侯骨聳精爽
緊華嶽峯尖見秋隼星纏寶校金盤陀夜騎天駟
超天河攬搶熒惑不敢動翠蕤雲旂相蕩摩吾爲
子起歌都護酒闌插劔肝膽露勾陳蒼蒼玄武暮
一作萬歲千秋奉明主臨江節士安足數

醉時歌贈廣文館學士鄭虔

諸公袞袞登臺省廣文先生官獨冷甲第紛紛厭
梁肉廣文先生飯不足先生有道出羲皇先生有
文過屈宋德尊一代常軼軻名垂萬古知何用杜

陵野客人更

一作見

嗤被褐短窄鬢如絲日糴太倉

五升米時赴鄭老同襟期得錢卽相覓沽酒不復

疑忘形到爾汝痛飲真吾師清夜沈沈動春酌燈

一作

前細雨簷

一作燈

花落但覺高歌有鬼神焉知

餓

一作饑

死填溝壑相如逸

一作有

才親滌器子雲識

字終投閣先生早賦歸去來石田茅屋荒蒼苔儒

術於我何有哉孔丘盜跖俱塵埃不須聞此意慘

愴生前相遇且銜杯

相從行贈嚴二別駕

時方經崔
時之蜀

詩紀

盛唐卷之七十九

三

我行入東川十步一回首成都亂罷氣蕭瑟一作
浣花草堂亦何有梓州豪俊大者誰本州從事知
名久把臂開樽飲我酒酒酣擊劍蛟龍吼烏帽拂
塵青螺粟紫衣將炙緋衣走銅盤燒蠟光吐日夜
如何其初促膝黃昏始扣主人門誰謂俄頃膠在
漆萬事盡付形骸外百年未見歡娛畢神傾意豁
真佳士久客多憂今愈疾高視乾坤又可愁一軀
交態同悠悠垂老遇君未恨晚似君須向古人求

偏側行贈畢曜

偏側何偏側我居巷南子巷北可恨一作鄰里間
十日不一見顏色自從官馬送還官行路難行澀
如棘我貧無乘非無足昔者相遇一作今不得實
一無此字不是一作愛微軀又一無此字非關足無力徒步
翻愁官長怒此心炯炯君應識曉來急雨春風顛
睡美不聞鍾鼓傳東家蹇驢許借我泥滑不敢騎
朝天已令請急會通籍男兒性命絕可憐焉能終
日心拳拳憶君誦詩神凜然辛夷始花亦已落况
我與子非壯年街頭酒價常苦貴方外酒徒稀醉

眠速宜相就飲一斗恰有三百青銅錢

丹青引贈曹將軍霸

將軍魏武之子孫於今為庶為清門英雄割據雖
已矣文采風流今一作尚存學書初學衛夫人但
恨無過王右軍丹青不知老將至富貴於我如浮
雲開元之中嘗引見承恩數上南薰殿凌煙功臣
少顏色將軍下筆開生面良相頭上進賢冠猛將
腰間大羽箭襄公段志鄂公尉遲毛髮動英資颯
爽來一作酣戰先帝天馬玉花驄畫工如山貌不

同是日牽來赤墀下迴立閭闔生長風詔謂將軍
拂絹素意匠慘澹經營中斯須九重真龍出一洗
萬古凡馬空玉花却在御榻上榻上庭前屹相向
至尊含笑催賜金圉人太僕皆惆悵弟子韓幹早
入室亦能畫馬窮殊相幹惟畫肉不畫骨忍使驂
騮氣凋喪將軍畫一作善蓋有神必逢佳士亦寫
真即今漂泊干戈際屢貌尋常行路人途窮返遭
俗眼白世上未有如公貧但看古來盛名下終日
坎壈纏其身

桃竹杖引贈章叟後

江心蟠石生桃竹蒼波噴浸尺度足斬根削皮如
 紫玉江妃水仙惜不得梓潼使君開一束滿堂賓
 客皆歎息憐我老病贈兩莖出入爪甲鏗有聲老
 夫復欲東南征乘濤鼓柁白帝城路幽必為鬼神
 奪扶劔或與蛟龍爭重為告曰杖兮杖兮爾之生
 也甚正直慎勿見水踴躍學變化為龍使我不得
 爾之扶持滅跡於君山湖上之青峯噫風塵瀕洞
 兮豺虎咬人忽失雙杖兮吾將曷從

短歌行贈王郎司直

王郎酒酣拔劔斫地歌莫哀我能拔爾抑塞磊落
 之竒才豫樟翻風白日動鯨魚跋浪滄溟開且脫
 劔佩休徘徊西得諸侯棹錦水欲向何門跋先答切
 珠履仲宣樓頭春色一作已深青眼高歌望吾子眼
 中之人吾老矣

醉歌行贈公安顏少府請顧八題壁

神仙中人不易得顏氏之子才孤標天馬長鳴待
 駕馭秋鷹整翮當雲霄君不見東吳顧文學自注云顧

言類
人况吳君不見西漢杜陵老詩家筆勢君不嫌詞翰
升堂爲君掃是日霜風凍七澤烏鬢落照銜赤壁
酒酣耳熱忘頭白感君意氣無所惜一爲歌行歌
主客

狂歌行贈四兄

與兄行年校一歲賢者是兄愚者弟兄將富貴等
浮雲弟竊功名好權勢長安秋雨十日泥我曹鞞
皮視切馬聽晨雞公卿朱門未開鎖我曹已到肩相
齊吾兄睡穩方舒膝不鞮不巾踏曉日男啼女哭

莫我知身上須繒腹中實今年思我來嘉州嘉州
酒重花滿樓樓頭喫酒樓下臥長歌短詠還相酬
四時八節還拘禮女拜弟妻男拜弟幅巾鞶帶不
挂身頭脂足垢何曾洗吾兄吾兄巢許倫一生喜
怒長任真日斜枕肘寢已熟啾啾唧唧爲何人

戲作花卿歌

花卿名敬定

成都猛將有花卿學語小兒知姓名用如快鶻風
火生見賊唯多身始輕綿州副使著柘黃我卿掃
除卽日平子璋髑髏血模糊手提擲還崔大夫李

侯重有此節度人道我卿絕世一作代無既稱絕

世無天子何不喚取守京都詩話云有病瘡者子美曰吾詩可以療之

病者曰云何日夜闌更秉燭相對如夢寐其人誦之瘡猶是也杜曰更誦云子章觸髓血模糊手提擲還崔大夫其人誦之果愈

戲贈閬鄉秦少府短歌

去年行宮當太白朝回君是同舍客同心不減骨肉親每語見許文章伯今日時清兩京道相逢苦覺人情好昨夜邀歡樂更無多才依舊能潦倒

玄都壇歌七言六韻寄元逸人

故人昔隱東蒙峯已佩含景蒼精龍故人今居子午谷獨在陰崖結茅屋屋前太古玄都壇青石漠漠常風寒子規夜啼山竹裂王母晝下雲旗翻知君此計誠長往芝草琅玕日應長鐵鎖高垂不可攀致身福地何蕭爽

寄岑嘉州自注云州據蜀江外

不見故人十年餘不道故人無素書願逢顏色關塞遠豈意出守江城居外江三峽且相接斗酒新詩終自踈謝眺每篇堪諷誦馮唐已老聽吹噓泊

言
船秋夜經春莫一作草伏枕青楓限玉除眼前所寄
選何物贈子雲安雙鯉魚

寄狄明府

梁公會孫我姨弟不見十年官濟濟大賢之後竟
陵遲浩蕩古今同一體比看伯叔四十人有才無
命百寮底今者弟兄一百人幾人卓絕秉周禮在
汝更用文章爲長兄白眉復天啓汝門請從曾公
一作翁說太后當朝多巧計一作詆狄公執正在末年
濁河中不污清濟國嗣初將付諸武公獨廷諍守

冊陞禁中冊決詔房陵前朝長老皆流涕太宗社
稷一朝正漢官威儀重昭洗時危始識不世才誰
謂荼苦甘如薺汝曹又宜裂土食身使門戶多旌
榮胡爲飄泊岷漢間干謁王侯頗歷詆一作詆况乃
山高水有波秋風蕭蕭露泥泥虎之饑下巉巖蛟
之橫出清泚早歸來黃汚人衣眼易眯

寄韓諫議注

今我不樂思洛陽身欲奮飛病在林美人娟娟隔
秋水濯足洞庭望八荒鴻飛冥冥日月白青楓葉

赤天雨霜玉京羣帝集北斗或騎麒麟翳鳳凰芙蓉旌旗煙霧樂影動倒景搖瀟湘星宮之君醉瓊漿羽人稀少不在傍似聞昨者赤松子恐是漢代韓張良昔隨劉氏定長安帷幄未改神慘傷國家成敗吾豈敢色難腥腐餐楓香周南留滯古莫惜南極老人應壽昌美人何爲隔秋水焉得置之貢玉堂

寄裴施州

廊廟之具裴施州宿昔一逢無此流金鐘大鑪在

東序冰壺玉衡懸清秋自從相遇減多病三歲爲客寬邊愁堯有四岳明至理漢二千石真分憂幾度寄書白鹽北苦寒贈我青羔裘霜雪迴光避錦袖龍蛇一作蛇龍動篋蟠銀鈎紫衣使者辭復命再拜故人謝佳政將老已失子孫憂後來况接才華盛

寄栢學士林居

自胡之反持干戈天下學士亦奔波歎彼幽棲載典籍蕭然暴露向一作依山阿青山萬里靜散地白雨一洗空垂蘿亂代飄零余到此古人成敗子如

言終
何荆揚春冬異風土巫峽日夜多雲雨赤葉楓林
百舌鳴黃泥野岸天雞舞盜賊縱橫甚密邇形神
寂寞甘辛苦幾時高議排金門各使蒼生有環堵

寄從孫崇簡

嗟峨白帝城東西南有龍湫北虎谿吾孫騎曹不
記馬業學尸鄉多養雞龐公隱時盡室去武陵春
樹他人迷與汝林居未相失近身藥裏酒長攜牧
叟樵童亦無賴莫令斬斷青雲梯

暮秋枉裴道州手札率爾遣興寄遞呈蘇

換侍御

久客多枉友朋書素書一月凡一束虛名但蒙寒

溫

暄一作

問泛愛不救溝壑辱齒落未是無心人舌

存耻作窮途哭道州手札適復至紙長要自三過
讀盈把那須滄海珠入懷本倚崑山玉撥棄潭州
百斛酒蕪沒瀟岸千株菊使我晝立煩兒孫令我
夜坐費燈燭憶子初尉永嘉去紅顏白面花映肉
軍符侯印取豈遲紫燕綠耳行甚速聖朝尚飛戰
鬪塵濟世宜引英俊人黎元愁痛會蘇息夷狄跋

扈徒逡巡授鉞築壇聞意旨頽綱漏網期彌綸郭
欽上書見大計劃毅答詔驚羣臣他日更僕語不
淺明公論兵氣益振傾壺簫管黑白髮儻與舞同劔
霜雪吹青春宴筵曾語蘇季子後來傑出雲孫比
茅齋定王城郭門藥物楚老漁商市市北肩輿每
聯袂郭南抱甕亦隱几無數將軍西第成早作丞
相東山起烏雀苦肥秋粟菽蛟龍欲蟄寒沙水天
下鼓角何時休陣前部曲終日死附書與裴因示
蘇此生已媿須人扶致君堯舜付公等早據要路

思捐軀

蘇端薛復筵簡薛華醉歌

文章有神交有道端復得之名譽早愛客滿堂盡
豪傑開筵上日思芳草安得健步移遠梅亂插繁
花向晴昊千里猶殘舊冰雪百壺且試開懷抱垂
老惡聞戰鼓悲急觴爲緩憂心擣少年努力縱談
笑看我形容已枯槁座中薛華善醉歌歌辭自作
風格老近來海內爲長句汝與東山楊用修云近
本改作山東
非李白好何劉沈謝力未工才兼鮑照愁絕倒諸

詩已

盛唐卷之三十九

三

言終
生頗盡新知樂萬事終傷不自保氣酣日落西風
來願吹野水添金杯如澗之酒常快意亦知窮愁
安在哉忽憶雨時秋井塌古人白骨生青苔如何
不飲令心哀

君不見簡蘇侯

君不見道邊廢棄池君不見前者摧折桐百年死
樹中琴瑟一斛舊水藏蛟龍丈夫蓋棺事始定君
今幸未成老翁何恨憔悴在山中深山窮谷不可
處霹靂颯兼狂風

投簡成華兩縣諸子

赤縣官曹擁材傑軟裘快馬當冰雪長安苦寒誰
獨悲杜陵野老骨欲折南山豆苗早荒穢青門瓜
地新凍裂鄉里兒童項領成朝廷故舊禮數絕自
然棄擲與時異况乃踈頑臨事拙饑臥動卽向一
旬弊裘何止一作聯百結君不見空墻日色晚此
老無聲淚垂血

春日戲題惱郝使君

使君意氣凌青霄意昨歡娛常見招細馬時鳴金

言系
騷裏佳人屢出董嬌嬈東流江水西飛燕可惜春
光不相見願攜王趙兩紅顏再騁肌膚如素練通
泉百里近梓州諸公一來開我愁舞處重看花滿
面樽前還有錦纏頭

追酬故高蜀州人日見寄

并序

開文書帙中檢所遺忘因得故高常侍適往居
在成都時高任蜀州刺史人日相憶見寄詩淚
灑行間讀終篇末自枉詩已十餘年莫記存沒
又六七年矣老病懷舊生意可知今海內忘形

故人獨漢中王瑀與昭州敬使君超先在愛而
不見情見乎辭大曆五年正月二十一日却追
酬高公此作因寄王及敬弟

自蒙蜀州人日作不意清詩久零落今晨散帙眼
忽開迸淚幽吟事如昨嗚呼壯士多慷慨合沓高
名動寥廓歎我悽悽求友篇感時鬱鬱匡君畧錦
里春光空爛熳瑶池侍臣已冥冥瀟湘水國旁鼉
鼉鄂杜秋天失鵬鷲東西南北更堪論白首扁舟
病獨存遙一作猶拱北辰纏寇盜欲傾東海洗乾坤

詩已

卷之三十九

七

言終
盛唐卷之十一
四
邊塞西蕃最充斥衣冠南渡多崩奔鼓瑟至今悲
帝子曳裾何處覓王門文章曹植波瀾闊服食劉
安德業尊長笛誰能亂愁思昭州詞翰與招蒐

醉歌行

自注云從姪勤落第歸作此以別之

陸機二十作文賦汝更小年能綴文總角草書又
神速世上兒子徒紛紛驊作駒已汗血鷲鳥舉
翻連青雲詞源倒流三峽水筆陣獨掃千人軍只
今年纔十六七射策君門期第一舊穿楊葉真自
知暫蹶霜蹄未爲失偶然擢秀非難取會是排風

有毛質汝身已見唾成珠汝伯何由髮如漆春光
淡沲秦東亭渚蒲芽白水荇青風吹客衣日杲杲
樹攪離思花冥冥洒盡沙頭雙玉餅衆賓皆一作
醉我獨醒乃知貧賤別更苦吞聲躑躅涕淚零

入奏行贈西山檢察使竇侍御

竇侍御驥之子鳳之雛年未三十忠義俱骨鯁絕
代無炯如一段清水出萬壑置在迎風寒露之玉
壺蔗漿歸厨金盃凍洗滌煩熱足以寧君軀政用
踈通合典則戚聯豪貴耽文儒兵革未息人未蘇

天子亦念西南隅吐蕃憑陵氣一作志頗麤竇氏檢

察應時須運糧繩橋壯士喜斬木火井窮猿呼八

州刺史思一戰三城守邊却可圖此行入奏計未

小密奉聖旨恩宜一作應殊繡衣春當霄漢立綵服

日向庭闈趨省郎京尹必俯拾江花未落還成都

一本此下有重句肯訪浣花老翁無為君酤酒滿眼酤與

奴白飯馬青芻

短歌行送邛州錄事一作送歸合州因寄

蘇使君

前者途中一相見人事經年記君面後生相勸何

寂寥君有長才不貧賤君今起柁春江流余亦沙

邊具小舟幸為達書賢府主江花未盡會江樓

惜別行送向卿進奉端午御衣之上都

肅宗昔在靈武城指揮猛將收咸京向公泣血灑

行殿佐佑卿相乾坤平逆胡冥冥隨煙燼卿家兄

弟功名震麒麟閣畫鴻鴈行紫極出入黃金印尚

書勲業超千古雄鎮荊州繼吾祖裁縫雲霧成御

衣拜跪題封賀端午向卿將命寸心赤青山落日

言
江潮

一作湖

白卿到朝廷說老翁漂零已是滄浪客

惜別行送劉僕射判官

聞道南行市駿馬不限匹數軍中須襄陽幕府天
下異主將儉省憂艱虞祗收壯健勝鐵甲豈因格
鬪求龍駒而今西北自反胡騏驎蕩盡一匹無龍
媒真種在帝都子孫未落西南隅向非戎事備征
伐君肯辛苦越江湖江湖凡馬多顛顛衣冠往往
乘蹇驢梁公富貴於身疎號令明白人安居俸錢
時散士子盡府庫不為驕豪虛以茲報主寸心赤

氣却西戎回北狄羅網羣馬藉馬多氣在驅除出

金帛劉侯奉使光推擇滔滔才畧滄溟窄杜陵老

翁秋繫船扶病相識長沙驛強梳白髮提胡盧手

把

一作兼

菊花路傍摘九州兵革浩茫茫三歎聚散

臨重陽當杯對客忍流涕不覺老夫神內傷

送孔巢父謝病歸游江東兼呈李白

巢父掉頭不肯住東將入海隨煙霧詩卷長留天
地間釣竿欲拂珊瑚樹深山大澤龍蛇遠春寒野
陰風景暮蓬萊織女回雲車指點虛無引歸路一作

詩
已

盛唐卷之二十一

七

是征路自是君身有仙骨世人那得知其故惜君只
欲苦死留富貴何如草頭露蔡侯靜者意有餘清
夜置酒臨前除罷琴惆悵月照席幾歲寄我空中
書南尋禹穴見李白道甫問訊今何如

別李秘書始興寺所居

不見秘書心若失及見秘書失心疾安為動主理
信然我獨覺子神充實重聞西方止觀經老身古
寺風泠泠妻兒待米且歸去他日杖藜來細聽
盛唐第七十九

盛唐第八十

唐詩紀一百四十

鄆郡吳 瑄彙編

東吳陸文組同校

杜甫 十二

七言古詩 四

樂遊園歌

自注云晦日賀蘭
楊長史筵醉中作

樂遊古園萃森爽煙緜碧草萋萋長公子華筵勢
最高秦川對酒平如掌長生木瓢示真率更調鞍
馬狂歡賞青春波浪芙蓉園白日雷霆夾城仗間

言糸
閨晴開映一作蕩蕩曲江翠幕排銀榜拂水底迴
舞袖翻綠雲清切歌聲上却憶年年人醉時只今
未醉已先悲數莖白髮那拋得百罰深杯亦不辭
聖朝已知賤士醜一物自荷皇天慈此身飲罷無
歸處獨立蒼茫自詠詩

漢陂行在鄂縣

岑參兄弟皆好奇攜我遠來遊漢陂天地躑慘忽
異色波濤萬頃堆瑠璃汗漫泛舟入事殊與極憂
思集鬣作鯨吞不復知惡風白浪何嗟及主人錦

帆相爲開舟子喜甚無氛埃鳧散亂棹謳發絲
管啁啾空翠來沈竿續蔓深莫測菱葉荷花靜如
拭宛在中流渤澥清下歸無極終南黑半陂已南
純浸山動影裊窈冲融間船舷暝戛雲際寺水面
月出藍田關此時驪龍亦吐珠馮夷擊鼓羣龍趨
湘妃漢女出歌舞金支翠旗光有無咫尺但愁雷
雨至蒼茫不曉神靈意少壯幾時柰老何向來哀
樂何其多

冬末以事之東都湖城遇孟雲卿復歸劉

顥宅宿燕飲散因為醉歌

疾風吹塵暗河縣行子隔手不相見湖城城南一作

北一開眼一作顏駐馬獨識雲卿面况一作向非劉顥

為地主嬾回鞭轡成高宴劉侯歡我攜客來置酒

張燈促華饌且將款曲終今夕休語艱難尚酣戰

照室紅爐促曙光縈牕素月垂文練天開地裂長

安陌寒盡春生洛陽殿豈知驅車復同軌可惜刻

漏隨更箭人生會合不可常庭樹雞鳴淚如綫一作

露

閩鄉姜七少府設鱠戲贈長歌

閩音文又音民

姜侯設鱠當嚴冬昨日今日皆天風河凍未漁不

易得鑿冰恐侵河伯宮饗人受魚枝人手洗魚磨

刀魚眼紅無聲細下飛碎一作素雪有骨已剝觜春

葱偏勸腹腹愧年少軟炊香飯一作杭綠老翁落碁

何曾白紙濕放筋未覺金盤空新懼便飽姜侯德

清觴異味情屢極東歸貪一作貧路自覺難欲別上

馬身無力可憐為人好心事於我見子真顏色不

恨我衰子貴時悵望且為今相憶

寺已

盛唐卷之六

三

病後過王倚飲贈歌

麟角鳳觜世莫識煎膠續弦竒自見尚看王生抱
此懷在於甫也何由羨且遇王生慰疇昔素知賤
子甘貧賤酷見凍餒不足耻多病沈年苦無健王
生恠一作見我顏色惡荅云伏枕艱難遍瘡癘三秋
孰可忍寒熱百日相交戰頭白眼暗坐有胝肉黃
皮皴命如綫惟生哀我未平復為我力致美肴膳
遣人向市賒香秬喚婦出房親自饌長安冬菹酸
且綠金城土酥淨如練兼求畜豕且割鮮密沽斗

酒諧終宴故人情味晚誰似令我手脚輕欲旋老
馬為駒總一作信不虛當時得意况深眷但使殘年
飽喫飯只願無事長相見

陪王侍御同登東山最高頂宴姚通泉晚
攜酒泛江

姚公美政誰與儔不減昔時陳太丘邑中上客有
柱史多暇日陪驄馬遊東山高頂羅珍羞下顧城
郭銷我憂清江白日落欲盡復攜美人登綵舟笛
聲憤怒一作怨哀中流妙舞逶迤夜未休燈前往往

大魚出聽曲低昂如有求三更風起寒浪湧取樂
喧呼覺船重滿空星河光破碎四座賓客色不動
請公臨深江一作莫相違迴船罷酒上馬歸人生歡
樂豈有極無使霜露霑人衣

醉爲馬墜諸公攜酒相看

甫也諸侯老賓客罷酒酣歌拓金戟騎馬忽憶少
年時散蹄迸落瞿塘石白帝城門水雲外低身直
下八千尺粉堞電轉紫遊韁東得平岡出天壁江
村野堂爭入眼垂鞭鞞鞞凌紫陌向來皓首驚萬

人自倚紅顏能騎射安知決臆追風足朱汗驂驪
猶噴玉不虞一蹶終損傷人生快意多所辱職當
憂戚伏衾枕况乃遲暮加煩促朋知來問腆我顏
杖藜強起依僮僕語盡還成開口笑提攜別掃清
谿曲酒肉如山又一時初筵哀絲動豪竹共指西
日不相貸喧呼且覆杯中綠何必走馬來爲問君
不見嵇康養生被殺戮

久雨期王將軍不至

天雨蕭蕭滯茅屋空山無以慰幽獨銳頭將軍來

言糸
盛唐卷之八
五
何遲令我心中苦不足數看黃霧亂玄雲時聽嚴
風折喬木泉源泠泠雜後狄泥濘漠漠饑鴻鵠歲
暮窮陰耿未已人生會面難再得憶爾腰下鐵絲
箭射殺林中雪色鹿前者坐皮因問毛知子一作者
歷險人馬勞異獸如飛星宿落應弦不礙蒼山高
安得突騎只五千萃然眉骨皆爾曹走平亂世相
催促一豁明主正鬱陶憶昔范增碎玉斗未一作來
使吳兵著白袍昏昏閭闔閉氛祲十月荆南雷怒
號

嚴氏谿放歌

天下甲兵一作兵馬未盡銷豈免溝壑常漂漂劔南歲
月不可度邊頭公卿仍獨驕費心姑息是一役肥
肉大酒徒相要嗚呼古人已糞土獨覺志一作壯
甘漁樵况我飄轉一作蓬無定所終日感感忍羈旅
秋宿霜谿素月高喜得與子長夜語東遊西還力
實倦從此將身更何許知子松根長茯苓遲暮有
意來同煮

丈人山

青城山記云此山為五嶽
之長故名丈人有丈人觀

詩記

盛唐卷之八

六

自爲青城客不唾青城地爲愛丈人山丹梯近幽
意丈人祠西佳氣濃綠雲擬住最高峯掃除白髮
黃精在君看他時冰雪容

岳麓山道林二寺行

玉泉之南麓山殊道林林壑爭盤紆寺門高開洞
庭野殿脚插入赤沙湖五月寒風冷佛骨六時天
樂朝香爐地靈步步雪山草僧寶人人滄海珠塔
劫宮墻壯麗敵香厨松道清涼俱蓮花交響共命
鳥金榜雙迴三足鳥方丈涉海費時節玄圃尋河

知有無暮年且喜經行近春日兼蒙暄煖扶飄然
斑白身奚適旁此煙霞茅可誅桃源人家易制
橘州田土仍膏腴潭府邑中甚淳古太守庭內不
喧呼昔遭衰世皆晦迹今幸樂國養微軀依止老
宿亦未晚富貴功名焉足圖久爲謝一作野客尋幽
慣細學何顛免興孤一重一掩吾肺腑山鳥山花
吾友于宋公放逐曾題壁物色分畱與老夫自注云宋

之問之敗也途經于此有詩尚在壁間

大覺寺高僧蘭若

自注云和尚去冬往河南若爾者切

言糸
巫山不見廬山遠松林蘭若秋風晚一老猶鳴日
暮鐘諸僧尚乞齋時飯香爐峯色隱晴湖種杏仙
家近白榆飛錫去年啼邑子獻花何日許門徒

發劉郎浦

挂帆早發劉郎浦疾風颯颯昏亭午舟中無日不
沙塵岸上空村盡豺虎十日北風風未回客行歲
晚尤相催白頭厭伴漁人宿黃帽青鞋歸去來

發閬中

前有毒蛇後猛虎谿行盡日無村塢江風蕭蕭雲

拂地山木慘慘天欲雨女病妻憂歸意速一作秋
花錦石誰復一作能數別家三月一得書避地何時
免愁苦

乾元中寓居同谷縣作歌七首

有客有客字子美白頭亂髮垂過耳歲拾橡栗隨
徂公天寒日暮山谷裏中原無書歸不得手脚凍
皴音透皮肉死嗚呼一歌兮歌已哀悲風為我從天
來

長鑿長鑿白木柄我生託子以為命黃精無苗山

雪盛短衣數挽不掩脛此時與子空歸來男呻女
吟四壁靜嗚呼二歌兮歌始放閭里為我色惆悵

有弟有弟在遠方三人各瘦何人疆生別展轉不

相見胡塵暗天道路長東飛鴛鴦後鵝鶻安得送

我置汝傍嗚呼三歌兮歌三發汝歸何處收兄骨

有妹有妹在鍾離良人早歿諸孤癡長淮浪高蛟

龍怒十年不見來何時扁舟欲往箭滿眼杳杳南

國多旌旗嗚呼四歌兮歌四奏林猿為我啼清晝

四山多風谿水急寒雨颯颯枯樹濕黃蒿古城雲

不開白狐跳梁黃狐立我生何為在窮谷中夜起

坐萬感集嗚呼五歌兮歌正長冤招不來歸故鄉

南有龍兮在山湫古木龍從枝相樛木葉黃落龍

正蟄蝮蛇東方水上遊我行恠此安敢出拔劍欲

斬且復休嗚呼六歌兮歌思遲谿壑為我回春姿

男兒生不成名身已老三年饑走荒山道長安卿

相多少年富貴應須致身早山中儒生舊相識但

話宿昔傷懷抱嗚呼七歌兮情終曲仰視皇天白

日速

詩記

盛唐卷之八

九

言終
九
歎庭前甘菊花

庭

一作簷

前甘菊移時晚青蘂重陽不堪摘明日蕭

條盡醉醒殘花爛熳開何益籬邊野外多衆芳采

擷細瑣升中堂念茲空長大枝葉結根失所纏風

霜

可歎

天上浮雲如白衣斯須改變如蒼狗古往今來共
一時人生萬事無不有近者抉眼去其夫河東女
兒身姓柳丈夫正色動引經鄴城客子王季友羣

書萬卷常暗誦孝經一通看在手貧窮老瘦家賣

屐好事就之爲攜酒豫章太守高帝孫引爲賓客

敬頗久問道三年未曾語小心恐懼閉其口太守

得之更不疑人生反覆看亦一作已醜明月無瑕豈

容易紫氣鬱鬱猶衝斗時危可仗真豪俊二人得

置君側否太守頃者領山南一作在南山邦人思之比

父母王生早會拜顏色高山之外皆培塿用爲義

和天爲成用平水土地爲厚王也論道阻江湖李

也疑承曠前後死爲星辰終不滅致君堯舜焉肯

詩紀

盛唐卷之八

十一

言
朽吾輩碌碌飽飯行風后力牧長回首

釋悶

四海十年不解兵犬戎也復臨咸京失道非關出
襄野揚一作鞭忽是過湖城豺狼塞路人斷絕烽
火照夜屍縱橫天子亦應厭奔走羣公固合思昇
平但恐誅求不改轍聞道嬖孽能全生江邊老翁
錯料事眼暗不見風塵清

憶昔二首

憶昔先皇巡朔方千乘萬騎入咸陽陰山驕子汗

血馬長驅東胡胡走藏鄴城反覆不足恠關中小
兒壞紀綱張后不樂上爲忙至今今上猶撥亂勞
心焦思補四方我昔近侍叨奉引出兵整肅不可
當爲畱猛士守未央致使岐雍防西羌犬戎直來
坐御牀百官跣足隨天王願見北地傳介子老儒
不用尚書郎

憶昔開元全盛日小邑猶藏萬家室稻米流脂粟
米白公私倉廩俱豐實九州道路無豺虎遠行不
勞吉日出齊紈魯縞車斑斑男耕女桑不相失宮

言終
中聖人奏雲門天下朋友皆膠漆百餘年間未災
變叔孫禮樂蕭何律豈聞一絹直萬錢有田種穀
今流血洛陽宮殿燒焚盡宗廟新除狐兔穴傷心
不忍問耆舊復恐初從亂離說小臣魯鈍無所能
朝廷記識蒙祿秩周宣中興望我皇灑血江漢長
衰疾

曲江三章章五句

曲江蕭條秋風高菱荷枯折隨風濤游子空嗟垂
二毛白石素沙亦相蕩哀鴻獨叫求其曹

卽事非今亦非古長歌激越梢林莽比屋豪華固
難數吾人甘作心似一作死灰弟姪何傷淚如雨
自斷此生休問天杜曲幸有桑麻田故將移住南
山邊短衣疋馬隨李廣看射猛虎終殘年

自平

自平宮中呂太一收珠南海千餘日近供生犀翡
翠稀復恐征戍干戈密蠻谿豪族小一作山動搖世
封刺史非時朝蓬萊殿裏諸主將才如伏波不得
驕

漁陽

漁陽突騎猶精銳赫赫雍王都節制猛將飄然恐
後時本朝不入非高計祿山北築雄武城舊防敗
走歸其營繫書請問燕者舊今日何須十萬兵

青絲

青絲白馬誰家子籠豪且逐風塵起不聞漢主放
妃嬪近靜潼關掃蜂蟻殿前兵馬破汝時十月卽
爲齋粉期未如面縛歸金闕萬一皇恩下玉墀

近聞

近聞犬戎遠遁逃牧馬不敢侵臨洮渭水逶迤白
日靜隴山蕭瑟秋雲高崆峒五原亦無事北庭數
有關中使似聞贊普吐蕃號君
長爲贊普更求親舅甥和好
應難棄

引水

月峽瞿塘雲作頂亂石崢嶸俗無井雲安沽水奴
僕悲魚復移居心力省白帝城西萬竹蟠接筒引
水喉不乾人生畱滯生理難斗水何直百憂寬

秋風二首

秋風淅淅吹巫山上牢下牢修水關吳橋楚柁牽
百丈煖向神都寒未還要路何日罷長戟戰自青
羌連白蠻中巴不得消息好暝傳戍鼓長雲間

秋風淅淅吹我衣東流之外西日微天清小城擣
練急石古細路行人稀不知明月為誰好早晚孤
帆他一作也夜歸會將白髮倚庭樹故園池臺今是
非

晚晴

高唐暮冬雲壯哉舊瘴無復似塵埃崖沈谷沒白

皚皚江石缺裂青楓摧南天三旬苦霧開赤日照
耀從西來六龍寒急光徘徊照我衰顏忽落地口
中吟詠心中哀未恠及時少年子揚眉結義黃金
臺汨乎吾生何飄零支離委絕同死灰

復陰

方冬合沓玄陰塞昨日晚晴今日黑萬里飛蓬映
天過孤城樹羽揚風直江濤簸岸黃沙走雲雪埋
山蒼兕吼君不見夔子之國杜陵翁牙齒半落左
耳聾

夜歸

夜來歸來衝虎過山黑家中已眠臥傍見北斗向
江低仰看明星當空大庭前把燭嗔兩炬峽口驚
猿聞一箇白頭老罷舞復歌杖藜不睡誰能那

清明

著處繁華矜是日長沙千人萬人出渡頭翠柳豔
明眉爭道朱蹄驕鬣膝此都好遊湘西寺諸將亦
自軍中至馬援征行在眼前葛強親近同心事金
鐙下山紅粉晚牙檣揆施青樓遠古時喪亂皆可

知人世悲歡暫相遣弟姪雖存不得書干戈未息
苦離居逢迎少壯非吾道况乃今朝更夜除

風雨看舟前落花戲為新句

江上人家桃李枝春寒細雨出踈籬影遭碧水潛
勾引風妬紅花却倒吹吹花困嬾旁舟楫水光風
力俱相怯赤憎輕薄遮人懷珍重分明不來接濕
久飛遲半欲高縈沙惹草細於毛蜜蜂蝴蝶生情
性一作注偷眼蜻蜓避百勞

夜聞感策

言
夜聞感策滄江上衰年側耳情所嚮鄰舟一聽多
感傷塞曲三更歛悲壯積雪飛霜此夜寒孤燈急
管復風湍君知天地干戈滿不見江湖行路難

王兵馬使二角鷹

悲臺蕭瑟石龍從哀壑杙杙浩呼洶中有萬里之
長江迴風陷日孤光動角鷹翻倒壯士臂將軍玉
帳軒勇氣二鷹猛腦條徐墜目如愁胡視天地杉
雞竹兔不自惜孩虎野羊俱辟易韞上鋒稜十二
翩將軍勇銳與之敵將軍樹勳起安西崑崙虞泉

入馬啼白羽曾肉三狡猊敢決豈不與之齊荆南
芮公得將軍亦如角鷹下翔雲惡鳥飛飛啄金屋
安得爾輩開其羣驅出六合梟鸞分

盛唐第八十一

盛唐第八十一

唐詩紀一百四十一

鄆郡吳 瑄彙編

鄆郡俞體初同校

杜甫 十三

五言律詩

晚出左掖

晝刻傳呼淺春旗簇仗齊退朝花底散歸院柳邊
迷樓雪融城濕官雲去殿低避人焚諫草騎馬欲
雞栖

詩紀

盛唐卷之八十一

一

春宿左省

花隱掖垣暮啾啾
栖鳥過星臨萬戶
動月傍九霄
多不寢聽金鑰
因風想玉珂
明朝有封事
數問夜如何

端午日賜衣

官衣亦有名
端午被恩榮
細葛含風軟
香羅疊雪輕
自天題處濕
當暑著來清
意內稱長短
終身荷聖情

戲題寄上漢中王三首

自注云時王在梓州初至斷酒不飲

篇中
有戲

西漢親王子
成都老客星
百年雙白鬢
一別五秋螢
忍斷杯中物
祗一作眠看座右銘
不能隨皂蓋
自醉逐浮萍

策杖時能出王門
異昔遊已知嗟不起
未許醉相留
蜀酒濃無敵
江魚美可求
終思一酌
酌淨掃鴈池頭

羣盜無歸路
衰顏會遠方
尚憐詩警策
猶憶酒顛狂
魯衛彌尊重
徐陳畧喪亡
空餘枚叟在
應念早

升堂

巴西驛亭觀江漲呈竇使君

宿雨南江漲波濤亂遠峯孤亭凌噴薄萬井逼春
容霄漢愁高鳥泥沙困老龍天邊同客舍攜我豁
心胸

又一首

轉驚波作怒一作惡只恐岸隨流賴有杯中物還同
海上鷗關心小剡縣傷眼見揚州為接情人飲朝
來減片愁

又呈竇使君

向晚波微綠連空岸脚青日蕪春有暮愁與醉無
醒漂泊猶杯酒踟躕此驛一作日亭相看萬里客一作
外同是一浮萍

觀作橋成月夜舟中有述還呈李司馬

把燭橋成夜迴舟客坐時天高雲去盡江迴月來
遲衰謝多扶病招邀屢有期異方乘此興樂罷不
無悲

路逢襄陽楊少府入城戲呈楊四員外綰

自注云甫赴華州
日許寄負外茯苓

寄語楊負外山寒少茯苓歸來稍暄一作候和煖當為

斲青冥翻動一作倒神仙窟封題鳥獸形兼將老藤

杖扶汝醉初醒

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩

稀門鵲晨光起檣烏宿處飛寒江流甚細有意待

人歸

西閣口號呈元二十一

山木抱雲稠寒江一作空繞上頭雪崖纔變石風幔

不依樓社稷堪流涕安危在運籌看君話王室感

動幾銷憂

覽鏡呈柏中丞

渭水流關內終南在日邊膽銷豺虎窟淚入犬羊

天起晚堪從事行遲更覺仙鏡中衰謝色萬一故

人憐

翫月呈漢中王

夜深露氣清江月滿江城浮客轉危坐歸舟應獨

詩已

或唐卷之八十一

四

言終
行關山同一點世本作照烏鵲自多驚欲得淮王術風吹暈已生

江閣卧病走筆寄呈崔盧兩侍御

客子庖厨薄江樓枕席清衰年病祗瘦長夏想爲情滑憶雕胡飯香聞錦帶羹溜匙兼煖腹誰欲致杯罍

贈陳二補闕

世儒多汨沒夫子獨聲名獻納開東觀君王問長卿皂鵬寒始急天馬老能行自到青冥裏休看白

髮生

贈高式顏

昔別是何處相逢皆老夫故人還寂寞削迹共艱虞自失論文友空知賣酒壚平生飛動意見爾不能無

奉贈嚴八閣老

扈聖登黃閣明公獨妙年蛟龍得雲雨鵬鶚在秋天客禮容疎放官曹可接聯新詩句句好應任老夫傳

詩已

盛唐卷之八十一

五

言終
盛唐卷之八十一
五

贈畢四曜

才大今詩伯家貧苦宦卑饑寒奴僕賤顏狀老翁
為同調嗟誰惜論文笑自知流傳江鮑體相顧免
無兒

奉贈王中允維

中允聲名久如今契闊深共傳收庾信不比得陳
琳一病緣明主三年獨此心窮愁應有作試誦白
頭吟

寄贈王十將軍承俊

將軍膽氣雄臂懸兩角弓纏結青驄馬出入錦城
中時危未授鉞勢屈難為功賓客滿堂上何人高
義同

孟氏

孟氏好兄弟養親唯小園承顏抵手足坐客強盤
餐負米力夕一作夕葵外讀書秋樹根卜鄰慙近舍訓
子覺一作學先門

吾宗自注云衛倉曹崇簡

吾宗老孫子質朴古人風耕鑿安時論衣冠與世

詩紀
盛唐卷之八十一
六

同在家常早起憂國願年豐語及君臣際經書滿
腹中

官定後戲贈

自注云時免河西尉
為右衛率府兵曹

不作河西尉淒涼為折腰老夫怕趨走率府且逍
遙耽酒須微祿狂歌託聖朝故山歸興盡迴首向
風颺

春日憶李白

白也詩無敵

舊本作數

飄然思不羣清新庾開府俊逸

鮑參軍渭北春天樹江東日暮雲何時一樽酒重

與細論文

冬日有懷李白

寂寞書齋裏終朝獨爾思更尋嘉樹傳不忘角弓

詩袒

音豎

褐風霜入還丹日月遲未應

今本作因

乘興去

空有鹿門期

天末懷李白

涼風起天末君子意如何鴻鴈幾時到江湖秋水
多文章憎命達魑魅喜人過應其冤冤語投詩贈
汨羅

江閣對雨有懷行營裴二端公

南紀

一作極

風濤壯陰晴屢不分野流行地日江入

度山雲層閣憑雷殷長空面水文雨來銅柱北應
洗伏波軍

舟中夜雪有懷盧十四侍御弟

朔風吹桂水大雪夜紛紛暗度南樓月寒深北渚
雲燭斜初近見舟重竟無聞不識山陰道聽雞更
憶君

月夜憶舍弟

戍鼓斷人行邊秋一鴈聲露從今夜白月是故鄉
明有弟皆分散無家問死生寄書長不達况乃未
休兵

憶弟二首

自江云時歸
在陸渾莊

喪亂聞吾弟饑寒傷濟州人稀書不到兵在見何
由憶昨狂催走無時病去憂即今千種恨惟共水
東流

且喜河南定不問鄴城圍百戰今誰在三年望汝
歸故園花自發春日鳥還飛斷絕人煙久東西消

詩紀

盛唐卷之八十一

八

息稀

憶幼子

公之幼子宗武小名驥子

驥子春猶隔鶯歌
煖正繁別離驚節換
聰慧與誰論
澗水空山道柴門
老樹村憶渠愁只睡
一作炙

寄高三十五書記

歎息高生老新詩
日又多美名人不及佳句法
如何主將收才子
崆峒足凱歌聞君已朱紱
且得慰蹉跎

寄高適

楚隔乾坤遠難招病客
冤詩名唯我共世事與誰論
北闕更新主南星落故園
定知相見日爛熳倒芳樽

寄楊五桂州譚

自注云因州參軍段子之任

五嶺皆炎熱宜人獨桂林
梅花萬里外雪片一冬深
聞此寬相憶為邦復好音
江邊送孫楚遠附白頭吟

寄賀蘭二鈺

詩已

朝野歡娛後乾坤震蕩中相隨萬里日一作總作
白頭翁歲晚仍分袂江邊更轉蓬勿云俱異域飲
啄幾迴同

寄高三十五詹事

安穩高詹事兵戈久索居時來知一作宦達歲晚
莫情疎天上多鴻鴈池中足鯉魚相看過半百不
寄一行書

赴青城縣出成都寄陶王二少尹

老被樊籠役一作老恥貧嗟出入勞客情投異縣

妻孥笑

詩態憶吾曹東郭滄江合西山白雪高文章差底
病迴首興滔滔

廣州段功曹到得楊五長史書功曹却歸

聊寄此詩

衛青開幕府楊僕將樓船漢節梅花外春城海水
邊銅梁書遠及珠浦使將旋貧病他鄉老煩君萬
里傳

九日奉寄嚴大夫

九日應愁思經時冒險艱不眠持漢節何路出巴

詩系 盛唐卷之八十一
山小驛香醪嫩重巖細菊斑遙知簇鞍馬回首白雲間

寄邛州崔錄事

邛州崔錄事聞在果園坊久待無消息終朝有底忙應愁江樹遠怯見野亭荒浩蕩風塵一作煙外誰知酒熟香

寄杜位

自注云頃者與位同在嚴尚書幕

寒日經簷短窮猿失木悲峽中為客恨江上憶君時天地身何往風塵病故辭封書兩行淚霑灑裊

新詩

奉寄李十五秘書文嶷二首

避暑雲安縣秋風早下來暫留魚復浦同過楚王臺猿鳥千崖窄江湖萬里開竹枝歌未好自注云竹枝歌

巴渝之遺音也唯峽人善唱畫舸且一作但遲迴

行李千金贈衣冠八尺身飛騰知有策意度不無神班秩兼通貴公侯出異人玄成負文采世業豈沈淪

第五弟豐獨在江左近三四載寂無消息

詩紀

盛唐卷之八十一

十一

言系
覓使寄此二首

亂後嗟吾在羈棲見汝難草黃騏驎病沙煖鶴鴿
寒楚設關城險吳吞一作容水府寬三十一作年朝夕
淚衣袖不曾乾

聞汝依山寺杭州定越州風塵淹別日江漢失清
秋影著啼猿樹魂飄結蜃樓明年下春水東盡白
雲求

元日寄韋氏妹

近聞韋氏妹迎在漢鍾離郎伯殊方鎮京華舊國

移春疑作秦城迴北斗郢樹發南枝不見朝正使啼
痕滿面垂

戲寄崔評事表姪蘇五表弟韋大少府諸
姪

隱豹深愁雨潛龍故起雲泥多仍徑曲心醉阻賢
羣忍待江山麗還披鮑謝文高樓憶踈豁秋興坐
氤氳

軍中醉飲寄沈八劉叟

酒歇愛江清餘酣漱晚汀軟莎歌坐穩冷石醉眠

言糸
醒野膳隨行帳華音發從伶數杯君不見都一作醉
已遣沈冥

重簡王明府

甲子西南異冬來只薄寒江雲何夜靜蜀雨幾時
乾行李須相問窮愁豈自一作有寬君聽鴻鴈響恐
致稻梁難

敬簡王明府

葉縣郎官宰周南太史公神仙才有數流落意無
窮驥病思偏秣鴈愁一作秋怕苦籠看若用高義恥

與萬人同

奉簡高三十五使君

當代論才子如公復幾人驂騮開道路鷹隼出風
塵行色秋將晚交情老更親天涯喜相見披豁對
吾真

行次鹽亭縣題四韻奉簡嚴遂州蓬州兩
使君咨議諸昆季

馬首見鹽亭高山擁縣青雲谿花淡淡春郭水泠
泠全蜀多名士嚴家聚德星長歌意無極好爲老

言糸
夫聽

正月三日歸谿上有作簡院內諸公

野外堂依竹籬邊水向城蟻浮仍臘味鷗泛已春
聲藥許鄰人斲書從稚子擎白頭趨幕府深覺負
平生

官亭夕坐戲簡顏十少府

南國調寒杵西江浸日車客愁連蟋蟀亭古帶兼
葭不返青絲鞵虛燒夜燭花老翁須地主細細酌
流霞

纜船苦風戲題四韻奉簡鄭十三判官

楚岸朔風疾天寒鶴鴣呼漲沙霾草樹舞雪渡江
湖吹帽時時落維舟日日孤因聲置驛外爲覓酒
家壚

示姪佐

自注云佐草堂在東柯谷

多病秋風落君來慰眼前自聞茅屋趣只想竹林
眠滿谷山雲起侵籬澗水懸嗣宗諸子姪早覺仲
容賢

佐遷山後寄三首

詩紀

盛唐卷之八十一

十四

山晚黃雲合歸時恐路迷澗寒人欲到林一作黑
鳥應棲野客茅茨小田家樹木低舊諳踈懶叔須
汝故相攜

白鷺黃梁熟分張素有期已應春得細頗覺寄來
遲味豈同金菊香宜配綠一作紫葵老人他日愛正
想滑流匙

幾道泉澆圃交橫落幔坡蕨蕤秋葉少隱映野雲
多隔沼連香芰通林帶女蘿甚聞霜薤白重惠意
如何

舍弟占歸草堂檢校聊示此詩

久客應吾道相隨獨爾來孰知江路近頻爲草堂
回鵝鴨宜長數柴荆莫浪開東林竹影薄臘月更
須栽

熟食日示宗文宗武

消渴遊江漢羈棲尚甲兵幾年逢熟食萬里逼清
明松柏印一作印山路風花一作光白帝城汝曹催我
老回首淚縱橫

又示兩兒

令節成吾老他時見汝心浮生看物變為恨與年
深長葛書難得江州涕不禁團圓思弟妹行坐白
頭吟

和裴迪登新津寺寄王侍郎

自注云公時為蜀

何恨倚山木吟詩秋葉黃蟬聲集古寺鳥影度寒
塘風物悲遊子登臨憶侍郎老夫貪佛日隨意宿
僧房

奉荅岑參補闕見贈

窈窕清禁闈罷朝歸不同君隨丞相後我往

一作住

日華東冉冉柳枝碧娟娟花藥紅故人得佳句獨
贈白頭翁

奉酬李都督表文早春作

力疾坐清曉來

一作采

詩悲早春轉添愁伴客更覺

老隨人紅入桃花嫩青歸柳葉新望鄉猶

一作應

未

已四海尚風塵

酬高使君相贈

古寺僧牢落空房客寓居故人供祿米鄰舍與園
蔬雙樹容聽法三車肯載書草玄吾豈敢賦或似

詩系
盛唐卷之八十一
相如

奉酬寇十侍御錫見寄四韻復寄寇

往別郇瑕地于今四十年來簪御府筆故泊洞庭
船詩憶傷心處春深把臂前南瞻按百越黃帽待
君偏

酬韋韶州見寄

養拙江湖外朝廷記憶踈深慙長者轍重得故人
書白髮絲難理新詩錦不如雖無南過鴈看取北
來魚

酬孟雲卿

樂極傷頭白更深愛燭紅相逢難一作袞袞告別
莫忽忽但恐天河落寧辭酒盞空明朝牽世務揮
淚各西東

盛唐卷之八十一
十一
五十三

盛唐第八十一

盛唐第八十二

唐詩紀一百四十二

鄆郡吳瑄彙編

鄆郡俞體初同校

杜甫十四

五言律詩二

送翰林張司馬南海勒碑自注云相國製文

冠冕通南極文章落上台詔從三殿去碑到百蠻
開野館濃花發春帆細雨來不知滄海上天遣幾
時廻

詩紀

盛唐卷之八十一

十一

送賈閣老出汝州

西掖梧桐樹空留一院陰艱難歸故里去住損春
心官殿青門隔雲山紫邏深人生五馬貴莫受二
毛侵

送張二十參軍赴蜀川一作州因呈楊五侍

御

好去張公子通家別恨添兩行秦樹直萬點蜀山
尖御史新駟馬參軍舊紫髯皇華吾善處於汝定
無嫌

送遠

帶甲滿天地胡為君遠行親朋盡一哭鞍馬去孤
一作城草木歲月晚關河霜雪清別離已昨一作
日因見古人情

送人從軍

弱水應無地陽關已近天今君渡沙磧累月斷人
煙好武寧論命封侯不計年馬寒防失道雪沒錦
鞍韉

送裴五赴東川

詩紀

盛唐卷之八十二

二

故人亦流落高義動乾坤何日通燕塞相看老蜀
門東行應暫別北望若銷魂凜凜悲秋意非君誰
與論

奉濟驛重送嚴公四韻

遠送從此別青山空復情幾時杯重把昨夜月同
行列郡謳歌惜三朝出入榮江村獨歸處寂寞養
殘生

送段功曹歸廣州

南海春天外功曹幾月程峽雲籠樹小湖日蕩船

今本作
落江非明交趾丹砂重韶州白葛輕幸君因佑一作

旅客時寄錦官城

鄴城西原送李判官兄武判官弟赴成都
府

憑高送所親久坐惜芳辰遠水非無浪他山自有
春野花隨處發官柳著行新天際傷愁別離筵何
太頻

泛江送魏十八倉曹還京因寄岑中允參

范郎中季明

詩經
卷之八
遲日深江一作春水輕舟送別筵帝鄉愁緒外春色
淚痕邊見酒須相憶將詩莫浪傳若逢岑與范爲
報各衰年

泛江送客

二月頻送客東津江欲平煙花山際重舟楫浪前
輕淚逐勸杯落愁連吹笛生離筵不隔日那得易
爲情

送何侍御歸朝

自注云李梓州
泛舟筵上作

舟檝諸侯餞車輿使者歸山花相映發水鳥自孤

飛春日垂霜鬢天隅把繡衣故人從此去寥落寸
心違

江亭送眉州辛別駕昇之得蕪字

柳影含雲幕江波近酒壺異方驚會面終宴惜征
途沙暖一作遠低風蝶天晴喜浴鳧別離傷老大意
緒日荒蕪

涪江泛舟送韋班歸京得山字

追餞同舟日傷春一水間飄零爲客久衰老羨君
還花雜一作遠重重樹雲輕處處山天涯故人少更

詩經
盛唐卷之八十二
四
憶鬢毛斑

送元二適江左

自注云
元結也

亂後今相見秋深復遠行
風塵爲客日江海送君
情晉室丹陽尹公孫白帝城
經過自愛惜取次莫
論兵

送李卿暉

王子思歸日長安已亂兵
霑衣問行在走馬向承
明暮景巴蜀僻春風江漢清
晉山雖自棄魏闕尚
含情

送裴二蚪作尉永嘉

孤嶼亭何處天涯水氣中
故人官就此絕境與誰
同隱吏逢梅福遊山憶謝公
扁舟吾已就把釣待
秋風

送韋書記赴安西

夫子歛通貴雲泥相望懸
白頭無藉在朱紱有哀
憐書記赴三捷公車留五年
欲浮江海去此別意
茫然

江亭王闡州筵餞蕭遂州

詩紀

盛唐卷之八十二

五

離亭非舊國春色是他鄉老畏歌聲斷一作短愁從
舞曲長二天開寵餞五馬爛生一作輝光川路風煙
接俱宜下鳳凰

送韋郎司直歸成都

竄身來蜀地同病得韋郎天下兵戈滿江邊歲月
長別筵花欲暮春日鬢俱蒼爲問南谿竹抽梢合

過牆

自注云余草堂在
成都西郭浣花里

送舍弟頴赴齊州三首

岷嶺南蠻北徐關東海西此行何日到送汝萬行

啼絕域惟高枕清風獨杖藜危時暫相見衰白意
都迷

風塵暗不開汝去幾時來兄弟分離苦形容老病
催江通一柱觀日落望鄉臺客意長東北齊州安
在哉

諸姑今海畔兩弟亦山東去旁干戈覓來看道路
通短衣防戰地匹馬逐秋風莫作俱流落長瞻碣
石鴻

別常徵君

詩已

盛唐詩集卷之八十三

六

詩系 屈原卷之八十三
兒扶猶杖策卧病一秋強白髮少新洗寒衣寬總
長故人憂見及此別淚相忘各逐萍流轉來書細
作行

送李功曹之荊州充鄭侍御判官重贈

曾聞宋玉宅每欲到荊州此地生涯晚遙通一作悲
水國秋孤城一柱觀落日九江流使者雖光彩青
楓遠自愁

送王十六判官

客下荊南盡君今復入舟買薪猶白帝鳴櫓少一作

已沙頭衡霍生春早瀟湘共海浮荒林庾信宅爲
仗主人留

奉送卿二翁統節度鎮軍還江陵

火旗還錦纜白馬出江城嘹唳鳴今本笳發蕭條
別浦清寒空巫峽曙落日渭陽情一作明留滯嗟衰
疾何時見息兵

送鮮于萬州遷巴州

京兆先時傑琳琅照一門朝廷偏注意接近與名
藩祖帳維舟數寒江觸石喧看君妙爲政他日有

殊恩

奉送十七舅下邵桂

絕域三冬暮浮生一病身感深辭舅氏別後見何人
縹緲蒼梧帝推遷孟母鄰昏昏阻雲水側望苦傷神

送十五弟侍御使蜀

喜弟文章進添余別興牽數杯巫峽酒百丈峽人以百丈繩牽船內江船未息豺狼闖空催犬馬年歸朝多便道搏擊望秋天

舍弟觀歸藍田迎新婦送示二首

汝去迎妻子高秋念却迴卽今螢已亂好與鴈同來
東望西江永南遊北戶開卜居期靜處會有故人杯

楚塞難爲路藍田莫滯留衣冠判白露鞍馬信清秋
滿峽重江水開帆八月舟此時同一醉應在仲宣樓

奉送韋中丞之晉赴湖南

寵渥徵黃漸權宜借寇頻湖南安背水峽內憶行

言系
春王室仍多故蒼生倚大臣還將徐孺榻處處待
高人

送田四弟將軍將一作歸夔州柏中丞命起

居江陵節度陽城郡王衛公幕一作題作夔府送田將

軍歸
江陵

離筵罷多酒起地發寒塘回首中丞座馳箋異姓
王燕辭楓樹日鴈度麥城霜空醉山翁酒遙憐似
葛疆

送孟十二倉曹赴東京選

君行別老親此去苦家貧藻鏡留連客江山憔悴
人秋風楚竹冷夜雪鞏梅春朝夕高堂念應宜綵
服新

贈韋贊善別

扶病送君發自憐猶不歸祗應盡客淚復作掩荆
扉江漢故人少音書從此稀往還二十載歲晚寸
心違

巫山縣汾州唐使君十八弟宴別兼諸公
攜酒樂相送率題小詩留于屋壁

詩已

盛唐卷之八十二

九

言糸
屈唐卷之八十二
九
卧病巴東久今年強作歸故人猶遠謫茲日倍多
違接宴身兼杖聽歌淚滿衣諸公不相棄擁別借
光輝

夏日楊長寧宅送崔侍御常正字入京探
韻得深字

醉酒楊雄宅升堂子賤琴不堪垂老鬢還對欲分
襟天地西江遠星辰北斗深烏臺俯麟閣長夏白
頭吟

公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞鴈一行
鳴南紀連銅柱西江接錦城憑將百錢卜飄泊問
君平

潭州送韋員外牧韶州

炎海韶州牧風流漢署郎分符先令望同舍有輝
光白首多年疾秋天昨夜涼洞庭無過鴈書疏莫
相忘

晚秋長沙蔡五侍御飲筵送殷六叅軍歸
澧州覲省

言系
佳士欣相識慈顏望遠遊甘從投轄飲肯作置書
郵高鳥黃雲暮寒蟬碧樹秋湖南冬不雪吾病得
淹留

送趙十七明府之縣

連城爲寶重茂宰得才新山雉迎舟楫江花報邑
人論交翻恨晚卧病却愁春惠愛南翁悅餘波及
老身

巴西聞收京闕送班司馬入京

聞道收京廟鳴鑾自陝歸傾都看黃屋正殿引朱

衣劍外春天遠巴西敕賜稀念君經世亂匹馬向
王畿

送司馬入京

羣盜至今日先朝忝從臣歎君能戀主久客羨歸
秦黃閣長司諫丹墀有故人向來論社稷爲話涕
霑巾

送靈州李判官

羯胡腥四海回首一茫茫血戰乾坤赤氛一作迷
日月黃將軍專策畧幕府盛才良近賀中興主神

言糸
兵動朔方

送竇九歸成都

文章亦不盡竇子才縱橫非爾更苦一作持節何人

符大名讀書雲閣觀問綃錦官城我有浣花竹題
詩須一行

奉送崔都水翁下峽

無數涪江筏鳴橈總發時別離終不久宗族忍相
遺白狗黃牛峽朝雲暮雨祠所過頻問訊到日自
題詩

隨章留後新亭會送諸君

新亭有高會行子得良時日動映江幕風鳴排檻
旗絕輦終不改勸酒欲無詞已墮峴山淚因題零
雨詩

東津送韋諷攝閩州錄事

聞說江山好憐君吏隱兼寵行舟遠泛惜別酒頻
添推薦非承乏操持必去嫌他時如按縣不得慢
陶潛

閩州奉送二十四舅使自京赴任青城

詩已

或唐卷之八十二

七

言糸
盛唐卷之八十二
聞道王喬鳥名因太史傳如何碧雞使把詔紫微
天秦嶺愁回馬涪江醉泛船青城漫污雜吾舅意
淒然

送王侍御往東川放生池祖席

東川詩友合此贈怯輕爲况復傳宗近空然惜別
離梅花交近野草色向平池儻憶江邊卧歸期願
早知

惠義寺送王少尹赴成都分得峯字

苒苒谷中寺娟娟林表峯闌干上處遠結構坐來

重騎馬行春徑衣冠起晚鐘雲門青寂寂此別惜
相從

送惠二歸故居

今本題作聞
惠子過東谿

惠子白駒

一作
羶

瘦歸谿惟病身皇天無老眼空谷

滯斯人崖蜜松花白

一作
熟

山杯竹葉新

一作
春

柴門

了生事黃綺未稱臣

衡州送李大夫七丈勉赴廣州

斧鉞下青冥樓船過洞庭北風隨爽氣南斗避文
星日月籠中鳥乾坤水上萍王孫丈人行垂老見

言糸
飄零

別崔湜因寄薛據孟雲卿

自注云內弟湜赴湖南幕職

志士惜妄動知深難固辭如何久磨礪但取不磷
緇夙夜聽憂主飛騰急濟時荊州遇薛孟為報欲
論詩

贈別何邕

生死論交地何由一見人悲君隨燕雀薄宦走風
塵綿谷元通漢沱江不向秦五陵花滿眼傳語故
鄉春

贈別鄭鍊赴襄陽

戎馬交馳際柴門老病身把君詩過目

一作念此

別驚神地闊峨眉晚

一作曉

天高峴首春為於耆舊

內試覓姓龐人

魏十四侍御就敝廬相別

有客騎驄馬江邊問草堂遠尋留藥價惜別到文
場入幕旌旗動歸軒錦繡香時應念衰疾書跡
疏及滄浪

巫峽敝廬奉贈侍御四舅別之澧朗

詩已

盛唐卷之八十二

七

言系

屈辱卷之八十二

江城秋日一作月落山鬼閉門中行李淹吾舅誅茅
問老翁赤眉猶世亂青眼只途窮傳語桃源客人
今出處同

留別賈嚴二閣老兩院補闕得聞字

田園須暫住一作往戎馬惜離羣去遠留詩別愁多

任酒醺一秋常苦雨今日始無雲山路晴一作時吹

角那堪處處聞

暮秋將歸秦留別湖南幕府親友

水闊蒼梧野天高白帝秋途窮那免哭身老不禁

愁大府才能會諸公德業優北歸衝雨雪誰憫敝
貂裘

詩已

歲時卷之八十二

十五

言糸
盛唐卷之八十三
十五

盛唐第八十二

Blank columns for text in the right page.

盛唐第八十三

唐詩紀一百四十三

鄆郡吳 瑄彙編
鄆郡俞體初同校

杜甫 十五

五言律詩 三

陪鄭廣文遊何將軍山林十首

不識南塘一作唐路今知第五橋名園依綠水野竹

上青霄谷口舊相得濠梁同見招平生為幽興未

惜馬蹄遙

詩已

盛唐卷之八十三

十五

Handwritten mark at the bottom left of the page.

百頃風潭上千章一作重夏木清卑枝低結子接葉
暗巢鸞鮮鯽銀絲鱠香芹碧澗羹翻疑拖樓底晚
飯越中行

萬里戎王子何年別月支異花開絕域滋蔓匝清
池漢使徒空到神農竟不知風一作露翻兼雨打
開折漸離披

旁舍連高竹踈籬帶晚花碾渦深沒馬藤蔓曲藏
一作垂蛇詞賦工無一作何益山林跡未賒盡捨同枯書
籍賣來問爾東家

剩水滄江破殘山碣石開綠垂風折笋紅綻雨肥
梅銀甲彈箏用楊用修云用字誤舊本作卸金魚換酒來興移
無洒掃隨意坐一作蒼苔

風磴吹陰雪雲門吼瀑泉酒醒思卧簟衣冷欲裝
綿野老來看客河魚不取錢只疑淳朴處自有一
山川

棘樹寒雲色茵陳春藕香脆添生菜美陰益食單
涼野鶴清晨出山精白日藏石林盤一作蟠水府百
里獨蒼蒼

言系
盛唐卷之二十三
憶過楊柳渚走馬定昆池醉把青荷葉狂遺白接
離刺船思郢客解水乞吳兒坐對秦山晚江湖興
頗隨
牀上書連屋階前樹拂雲將軍不好武稚子總能
文醒酒微風入聽詩靜夜分緇衣挂蘿薜涼月白
紛紛
幽意忽不愜歸期無奈何出門流水住回首白雲
多自笑燈前舞誰憐醉後歌祗應與朋好風雨亦
來過

重過何氏五首

問訊東橋竹將軍有報書倒衣還命駕高枕乃吾
廬花妥鶯捎蝶谿喧獺趁魚重來休沐地真作野
人居

山雨樽仍在沙沈榻未移犬迎曾宿客鷗護落巢

兒雲薄翠微寺天清一作青黃子陂向來幽興極步

屣過東籬

落日平臺上春風啜茗時石欄斜點筆桐葉坐題
詩翡翠鳴衣桁蜻蜒立釣絲自今幽興熟一作自逢今日

言糸
盛唐卷之八
興
來往亦無期

頗怪朝叅懶應耽野趣長雨拋金鑱甲苔卧綠沈
槍手自移蒲柳家纔足稻梁看君用幽意白日到
羲皇

到此應嘗宿相留可判年蹉跎暮容色悵望好林
泉何日霑微祿歸山買薄田斯遊恐不遂把酒意
茫然

劉九法曹鄭瑕丘石門宴集

秋水清無底蕭然淨客心掾曹乘逸興鞍馬到荒

林一作去相尋能吏逢聯璧華筵直一金晚來橫吹好

泓下亦龍吟

與任城許王簿遊南池

秋水通溝洫城隅進小船晚涼看洗馬森木亂鳴
蟬菱熟經時雨蒲荒八月天晨朝降白露遙想一作
看舊青氊

夜宴左氏莊

風林纖月落衣露淨琴張暗水流花逕春星帶草
堂檢書燒燭短看一作說劔引杯長詩罷聞吳詠扁

詩紀
盛唐卷之八十三
四
舟意不忘

李監宅二首

尚覺王孫貴豪家意頗濃屏開金孔雀褥隱繡芙蓉且食雙魚美誰看異味重門闌多喜色女壻近乘龍

華館春風起高城煙霧開雜花分戶映嬌燕入簾迴一見能傾座虛懷只愛才鹽官雖絆驥名是漢庭來

與鄆縣源大少府宴漢陂得寒字

應爲西陂好金錢罄一餐飯抄雲子白瓜嚼水精寒無計迴船下空愁避酒難主人情爛熳持荅翠琅玕

崔駙馬山亭宴集

蕭史幽棲地林間踏鳳毛汎流何處入亂石閉門高客醉揮金椀詩成得錦一作繡袍清秋多宴會終日困香醪

陪諸貴公子丈八溝攜妓納涼晚際遇雨

二首

言紀
盛唐卷之八十三
落日放船好輕風生浪遲竹深留客處荷淨納涼
時公子調水水佳人雪藕絲片雲頭上黑應是雨
催詩

雨來霑席上風急一作惡打船頭越女紅裙濕燕姬
翠黛愁纜侵堤柳繫幔卷浪花浮歸路翻蕭颯
塘五月秋

陪李金吾花下飲

勝地初相引徐行得自娛見輕吹鳥毳隨意數花
鬚細草稱偏坐香醪懶再沽醉歸應犯夜可怕李

金吾

九日曲江

綴席茱萸好浮舟菡萏衰百年秋已半一作季秋時欲半

九日意兼悲江水清源曲荆門此路疑晚來一作年

高興盡搖蕩菊花期

九日楊奉先會白水崔明府

今日潘懷縣同時陸浚儀坐開桑落酒來把菊花
枝天宇清霜淨公堂宿霧披晚酣留客舞鳧鳥共
差池

詩紀

陪王侍御宴通泉東山野亭

江水東流去清樽日復斜異方同宴賞何處是京
華亭景臨山水村煙對浦沙狂歌遇形勝得醉即
為家

奉陪鄭駙馬韋曲二首

韋曲花無賴家家惱殺人淥樽須盡日白髮好禁

傷一作

春石角鉤衣破藤梢

一作枝又作蘿

刺眼新何時占

叢竹頭戴小烏巾

野寺垂楊裏春畦亂水間美花多映竹好鳥不歸

山城郭終何事風塵豈駐顏誰能共公子薄暮欲
俱還

數陪章

李一作

梓州泛江有女樂在諸舫戲

為豔曲二首以贈章

近本無此三字

上客回空騎佳人滿近船江清歌扇底野曠舞衣
前玉袖凌風並金壺隱浪偏競將明媚色偷眼豔
陽天

白日移歌袖青霄

一作宵

近笛牀翠眉榮度曲雲鬢

儼分行立馬千山暮回舟一水香使君自有婦莫

詩紀

盛唐卷之八十三

七

學野鴛鴦

陪章一作李梓州王閬州蘇遂州李果州四

使君登惠義寺

春日無人境
虛空不住天
鶯花隨世界
樓閣倚山巔
遲暮身何得
登臨意惘然
誰能解金印
瀟洒共安禪

章梓州水亭

自注云時漢中王兼道士席謙在會同用荷字韻

城晚通雲霧
亭深到芰荷
吏人橋外少
秋水席邊多
近屬淮王至
高門薊子過
荊州愛山簡
吾醉亦

長歌

陪王使君晦日泛江就黃家亭子二首

山豁何時斷
江平不肯流
稍知花改岸
始驗鳥隨舟
結束多紅粉
歡娛恨白頭
非君愛人客
晦日更添愁

有徑金沙軟
無人碧草芳
野畦連蛺蝶
江檻俯鴛鴦
鴛鴦日晚煙
花亂風生錦
繡香不須吹
急管衰老易悲傷

陪王漢州留杜綿州泛房公西池

池在漢州即房

詩已

感喜夫之八十三

瑄所鑿
城西池

舊相思追後春池賞不稀
闕庭分未到舟楫有光輝
豉化尊絲熟刀鳴鱸縷飛
使君雙皂蓋灘淺正相依

晚秋陪嚴鄭公摩訶池泛舟得谿字

自注云池

在府內蕭摩訶所開因是得名

湍駛風醒酒船回霧起隄
高城秋自落雜樹晚相迷
坐觸鴛鴦起巢傾翡翠低
莫須驚白鷺為伴宿清谿

宴戎州楊使君東樓

勝絕驚身老情忘發興竒
座從歌妓密樂任主人為
重碧拈春酒輕紅擘荔枝
樓高欲愁思橫笛未休吹

宴忠州使君姪宅

出守吾家姪殊方此日歡
自須遊阮巷一作舍不是
怕湖灘樂助長歌逸一作送
杯饒旅思寬昔曾如意舞
牽率強為看

雲安九日鄭十八攜酒陪諸公宴

言糸
盛唐卷之八十三
九
寒花開已盡菊蘂獨盈枝舊摘人頻異輕香酒近本
作非暫隨地偏初衣袷山擁更登危萬國皆戎馬酣
歌淚欲垂

王十五前閣會

楚岸收新雨春臺引細風情人來石上鮮鱸出江
中鄰舍煩書札肩輿強老翁病身虛俊味何幸飶
兒童

九日諸人集于林

九日明朝是相要舊俗非老翁難早出野客幸知

歸舊采黃花賸新梳白髮微謾看年少樂忍淚已
霑衣

陪栢中丞觀宴將士二首

極樂三軍士誰知百戰場無私齊綺饌久坐密金
章醉客霑鸚鵡佳人指鳳凰幾時來翠節特地引
紅妝

繡段裝簷額金花帖鼓腰一夫先舞劔百戲後歌
鏹一作樵江樹城孤遠雲臺便寂寥漢朝頻選將應
拜霍嫖姚

季秋蘇五弟纓江樓夜宴崔十三評事韋

少府姪二首

峽險江驚急樓高月迴明一時今夕會萬里故鄉
情星落黃姑渚秋辭白帝城老人因病酒堅坐看
君傾

明月生長好浮雲薄漸遮悠悠照邊一作塞悄悄

憶京華清動杯中物高隨海上槎不眠瞻白兔百
過落烏紗

對月那無酒登樓况有江聽歌驚白鬢笑舞拓秋

牕樽蟻添相續沙鷗並一雙盡憐君醉倒更覺片
心降

春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春
天白髮須一作煩多酒明星惜此筵始知雲雨峽忽

盡下牢邊峽州有下牢戍

宴胡侍御書堂

自注云李尚書之芳鄭秘監審同集歸字韻

江湖春欲暮牆宇日猶微閶闔書籍滿輕輕花絮
飛翰林名有素墨客興無違今夜文星動吾儕醉

不歸

暮春陪李尚書李中丞過鄭監湖亭泛舟

得過字

海內文章伯湖邊意緒多玉樽移晚興桂楫帶酣
歌春日繁魚鳥江天足芰荷鄭莊賓客地衰白遠
來過

和江陵宋大少府暮春雨後同諸公及舍

弟宴書齋

渥洼汗血種天上麒麟兒才士得神秀書齋聞爾

為棣華晴雨好綵服暮春宜朋酒日歡會老夫今
始知

宴王使君宅題二首

漢王追韓信蒼生起謝安吾徒自飄泊世事各艱
難逆旅招邀近他鄉意緒寬不才甘朽質高卧豈
泥蟠

况愛容霜鬢留歡上夜關

今本作十
夜闌非

自吟詩送老

相勸酒開顏戎馬今何地鄉園獨在山江湖墮清
月醕酌任扶還

詩系 盛唐卷之八十三 三
上巳日徐司錄林園宴集

鬢毛垂領白花蘂亞枝紅軟倒衰年廢招尋令節
同薄衣臨積水吹面受和風有喜留攀桂無勞問
轉蓬

遊修覺寺

野寺江天豁山扉花竹幽詩應有神助吾得及春
遊徑石相縈帶川雲自去留禪枝宿衆鳥漂轉暮
歸愁

後遊

寺憶曾遊處橋憐再渡時江山如有待花柳更無
私野潤煙光薄沙暄日色遲客愁全爲減捨此復
何之

泛江

方舟不用楫極目總無波長日容杯酒深江淨綺
羅亂離還奏樂飄泊且聽歌故國流清渭如今花
正多

登兗州城樓

東郡趨庭日南樓縱目初浮雲連海岱平野入青

徐孤嶂秦碑在荒城魯殿餘從來多古意臨眺獨
躊躇

龍門在河南

龍門橫野斷驛樹出城來氣色皇居近金銀佛寺

開自注云山有佛寺金碧照耀最為勝槩往來一作還時屢改川陸一作

水日悠哉相閱征塗上生涯盡幾廻

九日登梓州城

伊昔黃花酒如今白髮翁追歡筋力異望遠歲時
同弟妹悲歌裏乾坤醉眼中兵戈與關塞此日意

無窮

春日梓州登樓二首

行路難如此登樓望欲迷身無却少壯跡有但羈
棲江水流城郭春風入鼓鞞雙雙新燕子依舊已
銜泥

天畔登樓眼隨春一作入故園戰場今始定移柳

更能存厭蜀交遊冷思吳勝事繁應須理舟楫長

嘯下荆門

上牛頭寺

按寰宇記牛頭山在梓州鄭縣南上有長樂寺

詩已

盛唐詩卷之八十三

五

言糸
盛唐卷之八十三
青山意不盡袞袞上牛頭無復能拘礙真成浪出
遊花濃春寺靜竹細野池幽何處啼鶯切移時獨
未休

望牛頭寺

牛頭見鶴林梯逕遶幽深春色浮山外天河宿殿
陰傳燈無白日布地有黃金休作狂歌老回看不
住心

上兜率寺

按圖經兜率寺在梓州

兜率知名寺真如會法堂江山有巴蜀棟宇自齊

梁庾信哀雖久何顛好不忘白牛車遠近且欲上
慈航

望兜率寺

樹密當山徑江深隔寺門霏霏雲氣重閃閃浪花
翻不復知天大空餘見佛尊時應清盥罷隨喜給
孤園

登牛頭山亭子

路出雙林外亭窺萬井中江城孤照日山春作谷
遠舍風兵革身將老關河信不通猶殘數行淚忍

對百花叢

曉望白帝城鹽山

徐步移斑杖看山仰白頭翠深開斷壁紅遠結飛樓日出清江望暄和散旅愁春城見松雪始擬進歸舟

白鹽山

卓立羣峯外蟠根積水邊他皆任厚地爾獨近高天白榜千家邑清秋萬估船詞人取佳句刻畫竟誰傳

上白帝城

城峻隨天壁樓高更一作望女墻江流思夏后風至憶襄王老去聞悲角人扶報夕陽公孫初恃險躍馬意何長

白帝城樓

江度寒山閣城高絕塞樓翠屏宜晚對白谷會深遊急急能鳴鴈輕輕不下鷗夷陵春色起漸擬放扁舟

白帝樓

詩已

盛唐詩卷之八

七

言糸
盛唐卷之八十三
六
漠漠虛無裏連連睥睨侵樓光去日遠峽影入江
深臘破思端綺春歸待一金去年梅柳意還欲攪
邊心

瞿塘兩崖

三峽傳何處雙崖壯此門入天猶石色穿水忽雲
根猱攫鬚髯古蛟龍窟宅尊羲和冬馭近愁畏日
車翻

登岳陽樓

首聞洞庭水今上岳陽樓吳楚東南坼乾坤日夜

浮親朋無一字老病有孤舟戎馬關山北憑軒涕

泗流

唐子西云過岳陽樓觀子美詩不過四字耳氣象閒放涵蓄深遠殆與洞庭爭雄

陪裴使君登岳陽樓

湖闊兼雲霧樓孤屬晚晴禮加徐孺子詩接謝宣
城雪岸叢梅發春泥百草生敢違漁父問從此更
南征

江亭

坦腹江亭煖長吟野望時水流心不競雲在意俱
遲寂寂春將晚欣欣物自私故園歸未得排悶強

言系
裁詩

臺上得涼字

改席臺能一作迴留門月復光雲霄遺暑濕山谷
進風涼老去一杯足誰憐屢舞長何須把官燭似
惱鬢毛蒼

山寺

野寺殘僧少山園細路高麝香眠石竹鸚鵡啄金
桃亂水通人過懸崖置屋牢上方重閣晚百里見
織毫

已上人茅齋

已公茅屋下可以賦新詩枕簟入林僻茶瓜留客
遲江蓮搖白羽天棘蔓青絲空忝許詢輩難酬支
遁詞

宿贊公房

自注云贊京師大雲寺主謫此
安置按贊公與房瑯遊瑯得罪
贊公亦
被謫

杖錫何來此秋風已颯然雨荒深院菊霜倒半池
蓮放逐寧違性虛空不離禪相逢成夜宿隴月向
人圓

詩已

盛唐卷之八十三

八

宿江邊閣

暝色延山徑高齋次水門薄雲巖際宿孤月浪中
翻鶴鶴追飛盡豺狼得食喧不眠憂戰伐無力正
乾坤

謁真諦寺禪師

蘭若山高處煙霞嶂幾重凍泉依細石晴雪落長
松問法看詩妄觀身向酒慵未能割妻子卜宅近
前峯

盛唐第八十三

盛唐第八十四

唐詩紀一百四十四

鄆郡吳 瑄彙編
鄆郡俞體初同校

杜甫 十六

五言律詩 四

題張氏隱居

之子時相見邀人晚興留霽一作潭鱣發發春草
鹿呦呦杜酒偏勞勸張梨不外求前村山路險歸
醉每無愁

詩紀

盛唐卷之八十四

重題鄭氏東亭

自注云在
新安界

華亭入翠微
秋日亂清暉
崩石歆山樹
清漣曳水衣
紫鱗衝岸躍
蒼隼護巢歸
向晚尋征路
殘雲傷馬飛

題新津北橋樓得郊字

望極春城上
開筵近鳥巢
白花簷外朶
青柳檻前梢
池水觀為政
厨煙覺遠庖
西川供客眼
唯有此江郊

題玄武禪師屋壁

何年顧虎頭
滿壁畫滄洲
一作赤日石林氣
青天
江海流錫飛
常近鶴杯渡
不驚鷗似得
廬山路真隨
惠遠遊

題忠州龍興寺所居院壁

忠州三峽內
井邑聚雲根
小市常爭米
孤城早閉門
空看過客淚
莫覓主人恩
淹泊仍愁虎
深居賴獨園

秋日寄題鄭監湖上亭三首

碧草違春意
沅湘萬里秋
池要山簡馬
月靜庾公

樓磨滅餘篇翰平生一釣舟高唐寒浪滅一作髮

髯識昭丘

新作湖邊宅還聞賓客過自須開竹逕誰道避雲

蘿官序潘生拙才名賈誼多捨舟應卜一作地鄰

接意如何

暫住一作祖蓬萊閣終為江海人揮金應物理拖玉

豈吾身羹煮秋尊滑一作弱杯凝露菊新賦詩分氣

象佳句莫頻頻

題栢大兄弟山居屋壁二首

叔父朱門貴郎君玉樹高山居精典籍文雅涉風

騷江漢終吾老雲林得爾曹哀絃繞白雪未與俗

人操

野屋流寒水山籬帶薄雲靜應連虎穴喧已去人

羣筆架霑牕雨書籤映隙牕蕭蕭千里馬箇箇五

花文

題鄴原郭三十二明府茅屋壁

江頭且繫船為爾獨相憐雲散灌壇雨春青彭澤

田頻驚適小國一擬問高天別後巴東路逢人問

詩經
幾賢

過南鄰朱山人水亭

相近竹叅差相過人不知幽花歆滿樹細水曲通池歸客村非遠殘樽席更移看君多道氣從此數追隨

徐九少尹見過

晚景孤村僻行軍數騎來交新徒有喜禮厚媿無才賞靜憐雲竹忘歸步月臺何當看花藥欲發照江梅

野望因過常少仙

野橋齊度馬秋望轉悠哉竹覆青城合江從灌口來入村樵徑引嘗果栗園開落盡高天日幽人未遣迴

范二員外邈吳十侍御郁特枉駕闕展待

聊寄此作

暫往比鄰去空聞二妙歸幽棲誠簡畧衰白已光輝野外貧家遠村中好客稀論文或不愧重肯欸柴扉

詩紀

盛唐卷之八十四

四

王竟攜酒高亦同過共用寒字

王侍御掄高使君適

卧疾荒郊遠通行小逕難故人能領客攜酒重相

看自愧無鮭菜空煩卸馬鞍移時勸山簡頭白恐

風寒

自注云高每云汝年幾小且不小於我此句戲之也

王十五司馬弟出郭相訪兼遺營草堂貲

客裏何遷次江邊正寂寥肯來尋一老愁破是今

朝憂我營茅棟攜錢過野橋他鄉惟表弟還往莫

辭遥

九月一日過孟十二舍曹十四王簿兄弟

藜杖侵寒露蓬門啓曙煙力稀經樹歇老困撥書

眠秋覺追隨盡來因孝友偏清談見滋味爾輩可

忘年

過客相尋

窮老真無事江山已定居地幽忘盥櫛客至罷琴

書挂壁移筐果呼兒問煮魚時聞繫舟楫及此問

吾廬

晚晴吳郎見過北舍

圃畦新雨潤媿子廢鋤來竹杖交頭挂柴扉隔

一作

詩記

孟唐卷之八十四

五

掃徑開欲棲羣鳥亂未去小童催明日重陽酒相迎自撥醅

乘雨入行軍六弟宅

曙角凌雲罷春城帶雨長水花分塹弱巢燕得泥忙令弟雄軍佐凡才汚省郎萍漂忍流涕衰颯近中堂

所思

自注云得台州鄭司戶消息

鄭老身仍竄台州信始傳爲農山澗曲卧病海雲邊世已踈儒素人猶乞酒錢徒勞望牛斗無計斷

龍泉

不見

自注云近無李白消息

不見李生久佯狂真可哀世人皆欲殺吾意獨憐才敏捷詩千首飄零酒一杯匡山讀書處頭白好歸來

得舍弟消息

亂後誰歸得他鄉勝故鄉直一作昔爲心厄苦久念與存亾汝書猶在壁汝妾已辭房舊犬知愁恨垂頭傷我牀

得舍弟消息二首

近有平陰信遙憐舍弟存側身千里道寄食一家
村烽舉新酣戰啼垂舊血痕不知臨老日招得幾
人一作竟

汝懦歸無計吾衰往未期浪傳烏鵲喜深負鵲鴿
詩生理何顏面憂端且歲時兩京三十口雖在命
如絲

逢唐興劉主簿第

分手開元末連年絕尺書江山且相見戎馬未安

居劔外官人冷關中驛騎一作使疎輕舟下吳會主
簿意何如

聞斛斯六官未歸

故人南郡去去索作碑錢本賣文為活翻令室倒
懸荆扉深蔓草土銼冷疎煙老罷休無賴歸來省
醉眠

得廣州張判官叔卿書使還以詩代意

鄉關胡騎遠宇宙蜀城偏忽得炎州信遙從月峽
傳雲深驃騎幕夜隔孝廉船却寄雙愁眼相思淚

詩紀
點懸

得舍弟觀書自中都已達江陵今茲暮春
月末行李合到夔州悲喜相兼團圓可待
賦詩卽事情見乎辭

爾到江陵府何時到峽州亂離生有別聚集病應
瘳颯颯開啼眼朝朝上水樓老身須付託白骨更
何憂

喜觀卽到復題短篇二首

巫峽千山暗終南萬里春病中吾見弟書到汝爲

人竟答兒童問來輕戰伐新泊船悲喜後款款話
歸秦

待爾嗔烏鵲拋書示鵲鴿枝間喜不去原上急曾
經江閣嫌津柳風帆數驛亭應論十年事愁絕始
星星

渝州候嚴六侍御不到先下峽

聞道乘驄發沙邊待至今不知雲雨散虛費短長
吟山帶烏蠻闊江連白帝深船經一作一柱觀留
眼共登臨

詩紀

盛唐卷之八十四

八

西閣三度期大昌嚴明府同宿不到

問子能來宿今疑索故要匣琴虛夜夜手板自朝
朝金吼霜鐘徹花催蠟炬銷早鳧江檻底雙影謾
飄颻

天寶初南曹小司寇舅於我太夫人堂下
累土為山一簣盈尺以代彼朽木承諸焚
香瓷甌甌甚安矣勿值慈竹蓋茲數峯嶽
岑嬋娟宛有塵外數致乃不知興之所至
而作是詩

一簣功盈尺三峯意出羣望丁疑在野幽處欲生
雲慈竹春陰覆香爐曉勢分維南將獻壽佳氣日

氤一作氣氲

西郊

時出碧雞坊西郊向草堂市橋官柳細江路野梅
香傍架齊書帙看題減一作檢藥囊無人覺舊本作競來
往踈嬾意何長

有客一題作賔至

患氣經時久臨江卜宅新喧卑方避俗踈快頗宜

言糸 盛唐卷之八十四
人有客過茅宇呼兒正葛巾自鋤稀菜甲小摘爲情親

爲農

錦里煙塵外江村八九家圓荷浮小葉細麥落作一
隊主輕花卜宅從茲老爲農去國賒遠慚勾漏令不得問丹砂

田舍

田舍清江曲柴門古道傍草深迷市井地僻嬾衣裳
棹柳枝枝弱枇杷樹樹香鸕鷀西日照曬翅滿

魚梁

遺意二首

轉枝黃鳥近泛渚白鷗輕一逕野花落孤村春水生
衰年催釀黍細雨更移橙漸喜交遊絕幽居不用名

簷影微微落津流脉脉斜野船明細火宿鴈聚一作

起圓沙雲掩初弦月香傳小樹花鄰人有美酒稚

子夜一作能賒也

漫成二首

詩記

盛唐卷之八十四

野日荒荒白春一作江流泯泯清渚蒲隨地有村逕
逐門成只作披衣慣常從漉酒生眼邊無俗物多
病也身輕

江臯已仲春花下復清晨仰向貪看鳥迴頭錯應
人讀書難字過貫酒滿壺頻近識峨眉老自注云東山隱
者知余嬾是真

早起

春來常早起幽事頗相關帖石防頽岸開林出遠
山一丘藏曲折緩步有躋攀重僕來城市餅中得

酒還

春水

三月桃花浪江流復舊痕朝來沒沙尾碧色動柴
門接縷垂芳餌連筒灌小園已添無數鳥爭浴故
相喧

可惜

花飛有底急老去願春遲可惜歡娛地都非少壯
時寬心應是酒遣興莫過詩此意陶潛解吾生後
汝期

詩紀

蘇詩卷之八十四

十一

落日

落日在簾鉤谿邊春事幽芳菲緣岸圃樵爨倚灘
舟啁啄雀爭枝墜飛蟲滿院遊濁醪誰造汝一酌
散千憂

獨酌

步屨深林晚開樽獨酌遲仰蜂粘落絮行蟻上枯
梨薄劣慙真隱幽偏得自怡本無軒冕意不是傲
當時

徐步

整履步青蕪荒庭日欲晡芹泥隨燕觜花蘂上蜂
鬚把酒從衣濕吟詩信杖扶敢論才見忌實有醉
如愚

畏人

早花隨處發春鳥異方啼萬里清江上三年落日
低畏人成小築褊性合幽棲門逕從榛草無心待
馬蹄

除架

自注云瓜架也

東薪已零落瓠葉轉蕭疎幸結白花了寧辭青蔓

詩紀

盛唐卷之八十四

七

除秋蠹聲不去暮雀意何如寒事今牢落人生亦有初

水檻遣心二首

去郭軒楹敞無村眺望賒澄江平少岸幽樹晚多
花細雨魚兒出微風燕子斜城中十萬戶此地兩
三家

蜀天常夜雨江檻已朝晴葉潤林塘密衣乾枕席
清不堪祗老病何得尚浮名淺把涓涓酒深憑送
此生

屏跡二首

用拙存吾道幽居近物情桑麻深雨露燕雀半生
成村鼓時時急漁舟箇箇輕杖藜從白首心迹喜
雙清

晚起家何事無營地轉幽竹光團野色舍影漾江
流失學從兒嬾長貧任婦愁百年渾得醉一月不
梳頭

北鄰

明府豈辭滿藏身方告勞青錢買野竹白幘岸江

西閣從人別人今亦故亭江雲飄素練石壁斷空
青滄海先迎日銀河倒列星平生耽勝事吁駭始
初經

灤西寒望

水色含羣動朝光切太虛年侵頻悵望興遠一蕭
疎猿挂時相學鷗行炯自如瞿塘春欲至定卜灤
西居

入宅三首

奔峭背赤甲斷崖當白鹽客居愧遷次春色

一作酒

漸多添花亞欲移竹鳥窠新卷簾衰年不敢恨勝
槩欲相兼

亂後居難定春歸客未還水生魚復浦雲煖麝香
山半頂梳頭白過眉拄杖斑相看多使者一一問
函關

宋玉歸州宅雲通白帝城吾人淹老病旅食豈才
名峽口風常急江流氣不平只應與兒子飄轉任
浮生

一室

詩紀

盛唐卷之八十四

七

一室他鄉遠空林暮景懸正愁聞塞笛獨立見江
船巴蜀來多病荆蠻去幾年應同王粲宅畱井峴
山前

卜居

歸羨遼東鶴吟同楚執珪未成遊碧海著處覓丹
梯雲障寬江北春耕破瀼西桃紅客若至定似昔

一作人迷

暮春題瀼西新賃草堂五首

久嗟三峽客再與暮春期百舌欲無語繁花能幾

時谷虛雲氣薄波亂日華遲戰伐何由定哀傷不
在茲

北郊一作那千樹橘不見比封君養拙干戈際全生

麋鹿羣畏人江北草旅食瀼西雲萬里巴渝曲三
年實飽聞

綵雲陰復白錦樹曉來青身世雙蓬鬢乾坤一草
亭哀歌時自短醉舞爲誰醒細雨荷鋤立江猿吟
翠屏

壯年學書劍他日委泥沙事主非無祿浮生卽有

詩紀

蘇東坡詩集卷之八十四

十一

涯高齋依一作藥餌絕域改春華喪亂丹心破王

臣未一家

欲陳濟世策已老尚書郎不息豺虎鬪空慙鷓鴣

行時危人事急風逆羽毛傷落日悲江漢中宵淚

滿牀

豎子至

檀梨纔一作綴碧梅杏半傳黃小子幽園至輕籠

熟榛香山風猶滿把野露及新嘗欹枕一作江湖

客提攜日月長

園

仲夏流多水清晨向小園碧谿搖艇闊朱果爛枝

繁始為江山靜終防市井喧畦蔬繞茅屋自足媚

盤餐

白露

白露團甘子清晨散馬蹄圃開連石樹船渡入江

谿憑几看魚樂迴鞭急鳥棲漸知秋實美幽徑恐

多蹊

甘園

詩紀

蘇東坡詩集卷之八十四

十一

春日清江岸千甘二頃園青雲羞一作葉密白雪
避花繁結子隨邊使開筒近至尊後於桃李熟終
得獻金門

秋野五首

秋野日疏蕪寒江動碧虛繫舟蠻井絡卜宅楚村
墟棗熟從人打葵荒欲自鋤盤餐老夫食分減及
谿魚

易識浮生理難教一物違水深魚極樂林茂鳥知
歸吾老甘貧病榮華有是非秋風吹几杖不厭北

山薇

禮樂攻吾短山林引興長掉頭紗帽側曝背竹書
光風落收松子天寒割蜜房稀踈小紅翠駐屐近
微香

遠岸秋沙白連山晚照紅潛鱗輸駭浪歸翼會高
風砧響家家發樵聲箇箇同飛霜任青女賜被隔
南宮

身許麒麟畫年衰鶴鷺羣大江秋易盛空峽夜多
聞逕隱千重石帆留一片雲兒童解蠻語不必作

參軍

谿上

峽內淹留客谿邊四五家古苔

一作苔

生迳

側格切道也

地秋竹隱疎花塞俗人無井山田飯有沙西江使船至時復問京華

樹間

岑寂雙甘樹婆娑一院香交柯低几杖垂實礙衣裳滿歲如松碧同時待菊黃幾迴霑葉露乘月坐

一作上胡牀

課小豎鉏斫舍北果林枝蔓荒穢淨訖移

牀三首

病枕依茅棟荒鉏淨果林背堂資僻遠在野興清深山雉防求敵江猿應獨吟洩雲高不去隱几亦無心

衆壑生寒早長林卷霧齊青蟲懸就日朱果落封泥薄俗防人面全身學馬蹄吟詩坐回首隨意葛巾低

籬弱門何向沙虛岸只摧日斜魚更食客散鳥還

詩記

盛唐詩卷之八十四

十九

言終
來寒水光難定秋山響易哀天涯稍曛黑倚杖更徘徊

季秋江村

喬木村墟古疎籬野蔓懸素琴將暇日白首望霜天登俎黃甘重支牀錦石圓遠遊雖寂寞難見此山川

小園

由來巫峽水本自楚人家客病留因藥春深買爲花秋庭風落果灤岸雨頽沙問俗營寒事將詩待

物華

自灤西荆扉且移居東屯茅屋四首

白鹽危嶠北赤甲古城東平地一川穩高山四面同煙霜淒野日秔稻熟天風人事傷蓬轉吾將守桂叢

東屯復灤西一種住青谿來往皆一作兼茅屋淹留

爲稻畦市喧宜近利自注云西居近市易巽爲近利市三倍左氏傳晏子對景

公語林僻此無蹊若訪衰翁語須令賸客迷

道北馮都使高齋見一川子能渠細石吾亦沼清

詩記

詩經
卷之八
三
泉枕帶還相似柴荆卽有焉斫畚應費日解纜不
知年
牢落西江外參差北戶間久遊巴子國卧病楚人
山幽獨移佳境清深隔遠關寒空見鷓鴣回首憶
朝班

茅堂檢校收稻二首

香稻三秋末平田百頃間喜無多屋宇幸不礙雲
山御袂侵寒氣嘗新破旅顏紅鮮終日有玉粒未
吾慳

稻米炊能白秋葵煮復新誰云滑易飽老籍軟俱
勻種幸房州熟苗同伊闕春無勞映渠益自有色
如銀

從驛次草堂復至東屯茅屋二首

峽裏歸田客江邊借馬騎非尋戴安道似向習家
池峽險風煙僻一作合天寒橘柚垂築場看斂積一
學楚人爲

短景難高卧衰年強此身山家蒸栗煖野飯射麋
新世路知交薄門庭畏客頻牧童斯在眼田父實

詩經
卷之四
三
為鄰

暫住白帝復還東屯

復作歸田去猶殘穫稻功
築場憐穴蟻拾穗許村
童落杵光輝白除芒子粒紅
加餐可扶老倉廩慰
飄蓬

長吟

江渚翻鷗戲官橋帶柳陰
江飛競渡日草見踏青
心已撥形骸累真為爛熳深
賦詩新句穩不覺自
長吟

放船

送客蒼谿縣山寒雨不開
直愁騎馬滑故作泛船

一作舟迴青惜峯巒過黃知橘柚來江流大一作翠自

在坐穩興悠哉

言部

盛唐卷之八十四

三

盛唐卷之八十四

盛唐第八十四

--	--	--	--	--	--	--	--	--	--

